

Comunicado di e herederonan di sr. Hubert (Lio) Booi.

Un feliz dia na esnan cu tabata envolvi cu e grabacion di e cancion: "Nochi di Pasco", cu ta un composicion di nos tata sr. Hubert (Lio) Booi en felis memoria y Juan Chabaya (Padú) Lampe en felis memoria.

Pa medio di un otro fuente a yega na nos oido y alabes nos por a lesa tambe cu e cancion ariba menciona a wordo composita pa Daddy Brokke. Esaki ta un eror barbaro.

Como e herederonan di sr. Hubert (Lio) Booi, nos kier a trece dilanti, cu nunca a acerca un di e herederonan pa permiso di publicacion, o grabacion di e cancion ariba menciona.

Den e mundo moderno cu nos ta biba aden, ta masha facil pa haya sa kende ta e compositor di un cancion local. Si no sa e origen di un cancion o melodia, por aserca instancianan manera: Departamento di Cultura, Asociacion di Musiconan y Artista Arubano, Stichting Musica, Biblioteca Nacional etc.. Tambe por a aserca sra. Maybelline Arends Croes cu tin bastante documentacion di nos compositornan local.

Nos a consulta cu tur e otro herederonan di sr. Hubert (Lio) Booi y nan a yega na e decision cu no ta duna permiso pa publica, graba o di ningun otro forma publica algo di e herencia cultural di nan tata sr. Hubert (Lio) Booi. Nos ta compronde cu a wordo haci un inversion di e.o. tempo y placa pa realisa e grabacion, pero tin di respeta e desicion mutuo di e herederonan.

Derecho di autor kisas ta parce algo leew for di cas, pero ta yega mas serca ora bo wordo confronta cu e ta un realidad mundial, y tambe aplicable pa ley, aki na Aruba!
E autor su letra y su melodia, no por wordo cambia sin permiso di dje, o esnan responsabel pa su herencia. Mundialmente su derechonan ta keda valido te hasta 70 aña despues di su morto.

Nos ta termina es carta aki, cu e advertencia di no publica di ningun forma e cancion: "Nochi di Pasco". / Comp. Letra Hubert (Lio) Booi y Musica: Juan Chabaya (Padú) Lampe, Haciendo esaki lo ta un infraccion legal, y lo tin consecuencia legal tambe.

Na nomber di tur e herederonan di sr. Hubert (Lio) Booi,

Atentamente,
Sra. Antonieta Ras-Booi
hapmras.booi@hotmail.com

21 NOV 2020

Cc:

- Asociacion di Musiconan y Artista Arubano
email: amaaruba2016@gmail.com
- Departamento di Cultura
email: info@cultura.aw
- Biblioteca Nacional
email: info@bibliotecanacional.aw
- Stichting Musica
email: musicaaruba@gmail.com
- mr. Nicole Booi
email: nicole@aaniclegal.com